

四庫全書

集部

欽定四庫全書

御定佩文齋詠物詩選卷二百六十一

瓜類

五言古

寄姚司馬

唐張說

共君春種瓜本期清夏暑瓜成人已去失望將誰語
露摘香園感味懷心許偶逢西風便因之寄鄂渚

種瓜

唐韋應物

率性方鹵莽理生尤自疎今年學種瓜園圃多荒蕪衆
草同雨露新苗獨翳如直以春窘迫過時不得鋤田家
笑枉費日夕轉空虛信非吾儕事且讀古人書

五言律

瓜

唐李嶠

欲識東陵味青門五色瓜龍蹄遠珠履女辭動金花六
子方呈瑞三仙實可嘉終朝奉絺綌謁帝佇非賒

南山下與老圃期種瓜

唐孟浩然

樵牧南山近林廬北郭賒先人畱素業老圃作鄰家不
種千株橘惟資五色瓜邵平能就我開徑剪蓬麻

薛氏瓜廬

宋趙師秀

不作封侯念悠然遠世紛惟應種瓜事猶被讀書分野
水多於地春山半是雲吾生嫌已老學圃未如君

題薛景石瓜廬

宋徐照

何地有瓜廬平湖四畝餘自鋤畦上草不放手中書人
遠來求字童閒去釣魚山民山上住却羨水邊居

題薛景石瓜廬

宋徐璣

近舍新為圃澆鋤及晚涼因看瓜蔓吐識得道心長隔
沼嘉蔬潔侵畦異草香小舟應買在門外是漁郎

七言律

食西瓜

元方夔

恨無纖手削駝峰醉嚼寒瓜一百觔縷縷花衫粘唾碧
痕痕丹血掐膚紅香浮笑語牙生水涼入衣襟骨有風
從此安心師老圃青門何處問窮通

橫山下種瓜作

明王寵

山田犂确苦多沙學種東陵五色瓜
激澗即看穿石竹
插籬偏自愛藤花
囊中未得餐霞法
谿上時畱泛海槎
長日輟耕無一事只須牛角挂南華

五言絕句

柳枝

唐李商隱

嘉瓜引蔓長碧玉冰寒漿東陵雖五色不忍值牙香

七言絕句

致中惠瓜成二絕

宋 劉子翬

故人夙有瓜畦約走送筠籃百里間
翠甌瓊饌纔一握極知風味勝黃斑

其二

柘漿漚漚香浮玉蘇水沈沈色弄金
那似甘瓜能破暑一盤霜露沍清襟

夏日田園雜興

宋 范成大

晝出耘田夜績麻邨莊兒女各當家
兒童未解供耕織

也傍桑陰學種瓜

西域嘗新瓜

元 耶律楚材

西征軍旅未還家六月攻城汗滴沙自愧不才還有幸
午風涼處剖新瓜

灤京雜詠

元 楊允孚

雖然玉宇桂無花秋比江南分外嘉絃管畫樓人散去
舍郎攜妓勸嘗瓜

剖瓜仕女圖

元 倪瓚

月彎削破翠團團六月人間風露寒誰覓東陵故侯去
但知華屋薦金盤

題畫瓜

明 聶大年

翠實離離引蔓秋西風涼露滿林丘東門尚有閒田地
千載何人說故侯

御定佩文齋詠物詩選卷二百六十一

欽定四庫全書

御定佩文齋詠物詩選卷二百六十二

豆花類

五言律

架邊

明
謝榛

閒庭秋一色滿架豆花垂
薄俗存吾計衰年習土宜
煙中晚雀定露下候蟲知
何限幽人意臨風獨立時

五言絕句

晚涼

明僧宗泐

晚涼池上亭坐來心似水
雨過竹林青風吹豆花紫

七言絕句

江南

唐陸龜蒙

邨邊紫豆花垂次
岸上紅梨葉戰初
莫怪煙中重回首
酒家青紵一行書

憶汪遜齋

元戴良

四明羈客近如何
別去今纔一月過
記得小齋多野思

豆花陰裏唱離歌

偶睡

明高啟

竹間門掩似僧居
白豆花開片雨餘
一榻茶煙成偶睡
覺來猶把讀殘書

新秋示盛伯宣

明鐺泰

暑退新涼透碧紗
砧聲不斷是誰家
酒醒小立殘陽裏
閒數籬邊紫豆花

為僧朗碧天題扇寄人

明史鑑

玉麓峰下雨來時
索我閒吟寄遠詩
蕉葉滿庭松子落
竹林啼鳥豆花垂

憶王屋山人

明孫一元

幾時不見鹿皮翁
回首碧雲天自東
記得去秋新月夜
豆花棚下說年豐

訪葛徵君

明謝榛

西城間訪葛洪家
籬落秋餘白豆花
高枕自知無俗夢
數椽茅屋在煙霞

種豆

明王穉登

庭下秋風草欲平
年饑種豆綠陰成
白花青蔓高於屋
夜夜寒蟲金石聲

酒次與吳文學

明居節

對酒無言興盡還
豆花棚下有青山
明朝欲釣鱸魚去
君若來時恐未閒

秋日過子問郊居

明王伯稠

映竹緣谿三兩家
陰陰樹影日將斜
翩翩黃蝶穿疎蓼

唧唧秋蟲語豆花

涼生豆花

王伯稠

豆花初放晚涼淒碧葉陰中絡緯啼貪與鄰翁棚底話
不知新月照清谿

御定佩文齋詠物詩選卷二百六十二

欽定四庫全書

御定佩文齋詠物詩選卷二百六十三

蓴菜類

長短句

題彥臯純軒

明陳璧

芙蓉花冷煙作雨
鯉魚風生紫莖軒
前秋容浩誰主
江人倚楫煙中語
纖莖采香光漉漉
冰絲齊穿水晶綠
蓴有羹菰有米
綵衣奉壽阿母喜
平生宦情一杯水

七言絕句

答朝士

唐賀知章

鈿鏤銀盤盛蛤蜊
鏡湖蓴菜亂如絲
鄉曲近來佳此味
遮渠不道是吳兒

西湖采蓴曲

明沈明臣

西湖蓴菜勝東吳
三月春波綠滿湖
新樣越羅裁窄袖
著來人說是羅敷

蓴菜

明陸樹聲

陸瑁湖邊水漫流洛陽城外問漁舟
鱸魚正美蓴絲熟不到秋風已倦游

蓴菜

明徐桂

波心未吐心如結水葉初齊葉尚含
脂自凝膚柔繞指轉教風味憶江南

其二

蛟紵紛紛散作絲龍涎宛宛滑流匙
詩人采芣元從水莫誤嘉蔬嗔露葵

御定佩文齋詠物詩選卷二百六十三

欽定四庫全書

御定佩文齋詠物詩選卷二百六十四

菌類

附石耳

七言古

附長短句

答永新宗令寄石耳

宋黃庭堅

饑欲食首山薇渴欲飲潁川水
嘉禾令尹清如冰寄我南山石
上耳筠籠動浮煙雨姿淪湯磨
沙光陸離竹萌粉餌相發揮芥
薑作辛和味宜公庭退食飽下
筋杞菊

避席遺萍壑鴈門天花不復憶況乃桑鷺與楮雞小人
藜羹亦易足嘉蔬遺餉荷眷私吾聞石耳之生常在蒼
崖之絕壁苔衣石腴風日炙捫蘿挽葛采萬仞側足委
骨豺狼宅佩刀買犢劒買牛作民父母今得職閔仲叔
不以口腹累安邑我其敢用鮭菜煩嘉禾願公不復甘
此鼎免使射利登嵯峨

蕈子

宋楊萬里

空山一雨山溜急漂流桂子松花汁土膏鬆煖都滲入

蒸出草花團戢戢戴穿落葉忽起立撥開落葉百數十
蠟面黃紫光欲濕酥莖嬌脆手輕拾色如鵝掌味如蜜
滑如蓴絲無點澀傘不如笠釘勝簪香畱齒牙麝莫及
菰羔楮雞避席揖餐玉茹芝當却粒作羹不可疏一日
作腊仍堪貯盈笈

五言律

沙菌

元許有壬

牛羊膏潤足物產借英華
帳脚駢遮地

此物生車帳卓
歇之地夏秋則

環繞其
跡而出
釘頭怒
戴沙齋
廚供玉
食毳索
出羶車
莫作垂
涎想家
園有昔
邪

七言律

與參寥師行園中得黃耳草

宋蘇軾

遣化何時取衆香
法筵齋鉢久淒涼
寒蔬病甲誰能採
落葉空畦半已荒
老楮忽生黃耳草
故人無致白芽薑
蕭然放筯東南去
又入春山筍蕨鄉

五言絕句

白草

宋朱子

聞說閬風苑瓊田產玉芝不收雲表露烹瀹詎相宜

七言絕句

上蕭家峽

宋黃庭堅

玉笥峰前幾百家山明松雪水明沙
趣虛人集春蔬好桑菌竹萌煙蕨芽

後灤水秋風詞

元柳貫

山郵納客供次舍土屋迎寒催瑾藏
砂頭麻姑一寸厚

雨過牛童提滿筐

御定佩文齋詠物詩選卷二百六十四

欽定四庫全書

御定佩文齋詠物詩選卷二百六十五

瓠類

五言古

田家屋上壺

宋梅堯臣

修蔓屋頭綴大壺
簷外垂霜乾葉猶苦
風斷根未移收
挂煙突近開充酒具
遲賤生無所用會
有千金時

五言律

種瓠

元范梈

豈是階庭物支離亦自奇
已殊凡草蔓綴得好花枝
帶雨寧無實凌霄必有為
啾啾羣鳥雀從汝踏多時

秋後瓠果成一實輪囷可愛
余嘉其晚成而不

羣答賦云

范梈

嘉瓠吾所愛孤高更可人不虛
種植意終繫發生神有
葉誠藏用無容豈識真
明年應見汝衆子亦輪囷

家園種壺作

明朱曰藩

春柳半含萸春鳩屋上啼弱苗何日引長柄得誰攜瓠
落非無用鴟夸愛滑稽揮鉏不覺倦新月在樓西

七言律

手植瓠材

金
劉從益

為愛葫蘆手自栽弱條柔蔓漸繁迴素花飄後初成實
碧蔭濃時可數枚試問老禪藤綴處何如游子杖挑來
早知瓠落非無用豈合江湖養不才

五言絕句

瓠

宋 劉子翬

溉釜熟輪囷香清味仍美
一綫解瓊瑤中有佳人齒

御定佩文齋詠物詩選卷二百六十五

欽定四庫全書

御定佩文齋詠物詩選卷二百六十六

韭薤類

附蔥

五言律

秋日阮隱居致薤三十束

唐杜甫

隱者柴門內畦蔬繞舍秋
盈筐承露薤不待致書求
束比青芻色圓齊玉箸頭
衰年關鬲冷味煖併無憂

田家

宋梅堯臣

高樹蔭柴扉青苔點落暉荷鋤山月上尋徑野煙微老
叟扶童望羸牛帶犢歸燈前飯何有白薤露中肥

韭花

元許有壬

西風吹野韭花發滿沙陀氣校葷蔬媚功於肉食多濃
香跨薑桂餘味及瓜茄我欲收其實歸山種澗阿

七言律

題華季充剪韭軒

明周翼

吳下有田宜種韭高風莫笑庾郎貧葷飛畫棟青林表

玉洗行盤綠水濱
夜雨剪來茸自長
春風吹起碧初勻
客來一筋分清供
不與區區肉食人

五言絕句

韭

宋 劉子翬

肉食終三韭
終憐氣味清
一畦春雨足
翠髮剪還生

韭

明 高 啟

芽抽冒餘濕
掩冉煙中縷
幾夜故人來
尋畦剪春雨

七言絕句

蔥

宋陸游

瓦盆麥飯伴鄰翁
黃菌青蔬放箸空
一事尚非貧賤分
笔薑僭用大官蔥

御定佩文齋詠物詩選卷二百六十六

欽定四庫全書

御定佩文齋詠物詩選卷二百六十七

山藥類

七言古

附長短句

子平寄惠希夷陳先生服福唐山藥方因戲作

雜言謝之

宋文同

蜀江之東山色盡如赭
有道人云此是丹砂伏其下
煙雲光潤若洗濯
澗谷玲瓏如刻畫
我聞神仙草藥不在

凡土生是中當有靈苗異卉之根莖果然人言所出山芋為第一西南諸郡有者皆虛名就中福唐衆稱賞肥碩甘香天所養有時巖頭倒垂三尺壯士辟忽然洞口直舉一合仙人掌土人入冬農事閒千篝萬鋪來此山可憐所鬻不甚貴著價即售曾不慳往年子瞻為余說言君所部之內此物尤奇絕後復寄書勸我當餌之滿紙親提華岳先生訣余因購之不惜錢依方服餌將二年其功神聖久乃覺牙牢體溢支節堅自問丹霄幾時

上早生兩翅教高颺塵世如帑不可居待看鴻濛對雲將

掘山藥歌

元龔璠

綠辟紫藤細色子種玉綿延春透髓晴虹歲晚寒不起
託命長鏡山谷裏小隱牆東塹藥闌斲土政得方槃槃
服食相傳養生訣茂陵劉郎和露啜

五言律

象之以山藥見贈

宋韓維

龍山有遊客贈藥滿筠籠
葉漬沙泉碧苗分石竇紅
應侵曉露來喜及春風却笑丹砂遠
辛勤勾漏翁

嘗山藥

明 鐫 崧

誰種山中玉修圓故自勻
野人尋得慣帶雨斲來新
味益丹田煖香凝石髓
春商芝亦何事空負白頭人

七言律

次韻奉和蔡樞密南京種山藥法

宋 王安石

區種拋來六七年春風條蔓想宛延難追老圃莓苔徑
空對珍盤玳瑁筵嘉種忽傳河右壤靈苗更長闕西偏
故畦穿斲知何日南望鍾山一慨然

和七兄山預湯

宋黃庭堅

厨人清曉獻瓊糜正是相如酒渴時能解饑寒勝湯餅
略無風味笑蹲鴟打窗急雨知然鼎亂眼睛雲看上匙
已覺塵生雙併碗濁醪從此不須持

山藥

宋朱子

怪來朽壤耀瓊英
小斲頊筐可代耕
豢豹于人儘無分
蹲鴟從此不須生
雪鏡但使身長健
石鼎何妨手自烹
欲賦玉延無好語
羞論蜂窠與羊羹

御定佩文齋詠物詩選卷二百六十七

欽定四庫全書

御定佩文齋詠物詩選卷二百六十八

芋類

七言律

謝姜寬送芋子

明費宏

芋魁相送滿筠籠，應念冰盤首著空。
此日蹲鴟真損惠，當年黃獨漫哀窮。
蒸時不厭葫蘆爛，煨處還思楮拙紅。
自是菜根滋味好，萬錢誰復羨王公。

五言絕句

芋魁

宋朱子

沃野無凶年正得蹲鴟力區種黃葉青深煨奉朝食

西園

明邊貢

庭際何所有有萱復有芋自聞秋雨聲不種芭蕉樹

七言絕句

冬日田園雜興

宋范成大

榾柮無煙雪夜長地爐煨酒煖如湯莫嗔老婦無盤飣

笑指灰中芋栗香

漫成

元馬臻

飽霜紫芋細凝酥
旋撥寒灰出地爐
慚愧鄰家新酒熟
客來沽得滿葫蘆

御定佩文齋詠物詩選卷二百六十八

欽定四庫全書

御定佩文齋詠物詩選卷二百六十九

焮菜類

長短句

羅仲憲送焮菜謝以長句

宋楊萬里

學琴自有譜相鶴自有經
疏經我緇盡不見焮菜名
金華詩裏初相識玉友尊前每相憶
坐令芥孫薑子芽一見風流俱避席
取士取名多失真向來許靖亦誤人君

不見鄭花不得半山句却參魯直稱門生

五言律

殫

宋朱子

靈草生何許風泉古澗旁
褰裳勤采擷投筯噀芳香
冷入玄根闕春歸翠穎長
遙知拈起處全體露真常

御定佩文齋詠物詩選卷二百六十九

欽定四庫全書

御定佩文齋詠物詩選卷二百七十

蘆菰類

五言古

徐夢弼以詩求蘆菰輒次來韻

金劉迎

神農嘗草木濟世以仁愛根源列郡出品目成書載中
云萊菰根試驗頗為大昌谷嘔時須文園渴嘗待食異

地黃并效與蕪菁逮豈惟齒衆樂政自冠諸菜五州風
土宜罽布畦壠對墾鉏盡衆力封培窮百態翠角春雨
中黃花晚煙外日送盤箸資歲給餅罌賴片玉出頭顱
層冰起膚背脆美掩蓴葵甘辛敵薑芥物生貴有用對
此一何快儲貯得沈涵棄遺免狼狽但足齊人餐何慚
楚臣佩

五言律

蘆服

元許有壬

性質宜沙地栽培屬夏畦熟登甘似芋生薦脆如梨老
病消凝滯奇功直品題故園長尺許青葉更堪壅

五言絕句

蘿蔔

宋 劉子翬

密壤穿根蒂風霜亦飽經如何純白質近蒂却微青

蘿蔔

紛敷剪翠叢津潤擢玉本寂寞病文園吟餘得深韻

御定佩文齋詠物詩選卷二百七十

欽定四庫全書

御定佩文齋詠物詩選卷二百七十一

蕨類

七言律

初食筍蕨

宋楊萬里

魚鳳烹龍世浪傳，猩脣熊掌我無緣。
只逢筍蕨杯盤日，便是山林富貴天。
稚子玉膚新脫錦，小兒紫髯未開拳。
只嫌嶺外無珍饌，一味春蔬不直錢。

七言絕句

答客

元揚 奐

仕晚自知為學拙
家貧人道治生疎
滿山薇蕨春風老
昨夜鄰翁有報書

御定佩文齋詠物詩選卷二百七十一

欽定四庫全書

御定佩文齋詠物詩選卷二百七十二

椒薑類

四言古

椒華頌

晉成公綏

嘉哉芳椒載繁其實厥味惟貞蠲除百疾肇惟歲始月
正元日永介眉壽以祈初吉

椒贊

晉郭璞

椒之灌植實繁有榛薰林烈薄醇其芬辛服之不已洞
見通神

元日椒花頌

晉劉臻妻

璇宮周迴三朔肇建青陽散輝澄景載渙美哉靈花爰
采爰獻聖容暎之永壽于萬

五言律

地椒

元許有壬

凍雨催花紫輕風散野香刺沙尖葉細敷地亂條長楚

客收成裏奚童擷滿筐行廚供草具調鼎爾非良

七言律

花椒

明僧宗林

欣欣笑口向西風噴出玄珠顆顆同采處倒含秋露白
曬時嬌映夕陽紅調漿美著騷經上塗壁香凝漢殿中
鼎餽也應如此味莫教薑桂獨成功

五言絕句

椒園

唐裴迪

丹刺胃人衣芳香畱過客幸堪調鼎用願君垂采摘

江行

唐錢起

映竹疑邨好穿蘆覺渚幽漸安無曠土薑芋當農收

薑

宋劉子翬

新芽肌理膩映日淨如空恰似勻粧指柔尖帶淺紅

七言絕句

寄懷歸州馬判官

唐僧齊己

三年為倖興何長高卧應多事少忙又見秋風霜裛樹

滿山椒熟水雲香

御定佩文齋詠物詩選卷二百七十二

欽定四庫全書

御定佩文齋詠物詩選卷二百七十三

薺類

五言古

薺菜

宋陸游

舍東種早韭生計如庾郎舍西種小果戲學蠶叢鄉惟
薺天所賜青青被陵岡珍美屏鹽酪耿介凌雪霜采擷
無闕日烹飪有秘方候火地爐煖加糝砂鉢香尚嫌雜

筍蕨而況汗膏梁炊稗及鬻麴得此生輝光吾饒實易
足捫腹喜欲狂一掃萬錢食終老稽山旁

七言絕句

晚春初夏絕句

宋張耒

睡足高簷春日斜
碾聲初破小龍茶
樓邊綠樹飛紅盡
春色牆陰老薺花

御定佩文齋詠物詩選卷二百七十三

欽定四庫全書

御定佩文齋詠物詩選卷二百七十四

菱荇類

五言古

採菱曲

梁
簡文帝

菱花落復含
桑女罷新蠶
桂棹浮星艇
徘徊蓮葉南

採菱曲

梁
陸罩

參差雜荇枝
田田競荷密
轉葉任香風
舒花影流日
戲

鳥波中蕩游魚菱下出不與文王嗜羞持比萍實

採菱詞

唐 儲光羲

濁水菱葉肥清水菱葉鮮義不遊濁水志士多苦言潮
沒具區數潦深雲夢田朝隨北風去暮逐南風旋浦口
多漁家相與邀我船飯稻以終日羨蓴將永年方冬水
物窮又欲休山樊盡室相隨從所貴無憂患

七言古

采菱行

唐 劉禹錫

白馬湖平秋日光紫鱗如錦綵
駕翔蕩舟游女滿中央
采菱不顧馬上郎爭多逐勝紛相向
時轉蘭橈破輕浪
長鬟弱袂披參差釵影釧文浮蕩漾
笑語哇咬顧晚暉
蓼花緣岸扣舷歸歸來共到市橋步
野蔓繫船萍滿衣
家家竹樓臨廣陌下有連檣多估客
攜觴薦芰夜經過
醉踏大隄相應歌屈平祠下沅湘水
月照寒波白煙起
一曲南音此地聞
長安北望三千里

食雞頭

宋 歐陽修

六月京師暑雨多夜夜南風吹炎背凝祥池鎖會靈園
僕射荒陂安可擬爭先園客采新苞剖蚌得珠從海底
都城百物貴鮮新厥價難酬與珠比金盤磊落何所薦
滑臺潑醅如玉醴自慚竊食萬錢廚滿口飄浮嗟病齒
却思年少在江湖野艇高歌菱苳香新味美手自摘
玉潔沙磨軟還美一瓢固不羨五鼎萬事適情為可喜
何時遂買潁東田歸去結茅臨綠水

食雞頭

宋蘇轍

炎葉初生皺如殼南風吹開輪脫輻紫苞青刺攢蝟毛
水面放花波底熟森然出手初莫近誰料明珠藏滿腹
剖開膏液尚糝糊大盜磨聲風雨速清泉活火曾未久
滿堂坐客分升掬紛然咀嚼惟恐後勢若羣雛方脫粟
東都每憶會靈沼南國陂塘種尤足東遊塵土未應嫌
此物秋來日常食

采芡

宋文同

炎盤團團開碧輪城東壕中如疊鱗漢南父老舊不識

日日岸上多少人
駢頭鬢鬆露秋熟
綠刺紅針割寒玉
提籠當筵破紫苞
老蚌一開珠一掬
吹臺北下凝祥池
圃田東邊僕射陂
如今兩處盡湮沒
異日此地名應馳
物貴新成味尤美
可惜飄零還入水
料得明年轉更多
一匣清波流珠子

採菱圖

明杜瓊

茗谿秋高水初落
菱花已老菱生角
紅蓓綠髻誰家人
小艇如梭不停泊
三三兩兩共采菱
纖纖十指寒如冰

不怕指寒并刺損只恐歸家無斗升湖州人家風俗美
男解耕田女絲枲採菱即是採桑人又與家中助生理
落日青山斂暮煙湖波十里鏡中天清歌一曲循歸路
不似耶谿唱採蓮

五言律

菱

唐李嶠

鉅野韶光暮東平春溜通影搖江浦月香引棹歌風日
色翻池上潭花發鏡中五湖多賞樂千里望難窮

七言律

食雞頭子

宋楊萬里

江妃有訣煮真珠，孤飯牛酥軟不如。
手擘雞頭金五色，盤傾驪頰琲千餘。
夜光明月供朝嚼，水府靈宮恐夕虛。
好取藍田餐玉法，編歸辟穀赤松書。

食雞頭子

楊萬里

三危瑞露凍成珠，九轉丹砂鍊久如。
鼻觀溫芳炊桂歇，齒根熟軟剝胎餘。
半甌鷹爪中秋近，一炷龍涎丈室虛。

却憶吾廬野塘味滿山柿葉正堪書

五言絕句

江行

唐錢起

細竹漁家路斜陽看結罾喜來邀客坐分與折腰菱

菱

宋梅堯臣

紫角菱實肥青銅菱葉老孤根未能定不及寒塘草

采菱舟

宋朱子

湖平秋水碧桂棹木蘭舟一曲菱歌晚驚飛欲下鷗

過高郵射陽湖雜詠

元薩都拉

霜落大湖淺漁家懸破罾此時生計別小艇賣秋菱

題谿樓

元余闕

谿水綠悠悠高樓在谿上日暮望江南舟中採菱唱

六言絕句

望亭飯僧作

明僧洪恩

隔岸長松疎柳雙谿一片湖光夜聽漁舟共語風吹菱
芡時香

七言絕句

看采菱

唐白居易

菱池如鏡淨無波，白點花稀青角多。
時唱一聲新水調，謾人道是采菱歌。

菱荇沼

唐薛濤

水荇斜牽綠藻浮，柳絲和葉卧清流。
何時得向谿頭賞，旋摘菱花旋泛舟。

菱渚

宋林逋

含機綠錦翻新葉滿篋青銅瑩古花最愛晚來鷗與鷺
宿煙翹雨便為家

秋思

宋陸游

老子齋居罷擊鮮木盤竹筯每隨緣鄰僧不用分香鉢
蓮芡猶堪過半年

菱沼

宋楊萬里

柄似蟾蜍股樣肥葉如蝴蝶翼相差蟾蜍翹立蝶飛起
便是菱花著子時

御定佩文齋詠物詩選卷二百七十四

欽定四庫全書

御定佩文齋詠物詩選卷二百七十五

總樹類

五言古

古詩

漢
闕名

庭中有奇樹綠葉發華滋攀條折其英將以遺所思馨
香盈懷袖路遠莫致之此物何足貴但感別經時

雜詩

晉
張翰

東鄰有一樹三紀裁可拱無花復無實亭亭雲中竦
隙禽不為巢短翮莫肯任忽有一飛鳥五色雜英華一鳴
衆鳥至再鳴衆鳥羅長鳴搖羽翼百鳥互相和

讀山海經

晉陶潛

丹木生何許迺在崧山陽黃花復朱實食之壽命長
白玉凝素液瑾瑜發奇光豈伊君子寶見重我軒皇

其二

逍遙蕪臯上杳然望扶木洪柯百萬尋森散覆暘谷靈

人侍丹池朝朝為日浴神景一登天何幽不見燭

其三

粲粲三珠樹寄生赤水陰亭亭凌風桂八榦共成林
靈鳳撫雲舞神鷹調玉音雖非世上寶爰得王母心

芳樹

梁元帝

芬芳君子樹交柯御宿園桂影含秋月桃花染春源落
英逐風聚輕香帶藥翻叢枝臨北閣灌木隱南軒交讓
良宜重成蹊何用言

芳樹

梁丘遲

芳葉已漠漠嘉實復離離
發景傍雲屋凝暉覆華池
輕蜂掇浮穎弱鳥隱深枝
一朝容色茂千春長不移

芳樹

陳張正見

奇樹舒春苑流芳入綺錢
合歡分四照同心影萬年
香浮佳氣裏葉映彩雲前
欲識揚雄賦金玉滿甘泉

芳樹

陳顧野王

上林通建章雜樹遍林芳
日影桃蹊色風吹梅徑香
幽

山桂葉落馳道柳條長折榮疑路遠用表莫相忘

賦得芳樹

陳李爽

芳樹千株發搖蕩三陽時氣軟來風易枝繁度鳥遲春
至花如錦夏近葉成帷欲寄邊城客路遠詎能持

詠樹

北周庾信

交柯乍百頃擢本或千尋楓子畱為式桐孫待作琴殘
核移桃種空花植棗林幽居對蒙密蹊徑轉深沈

移樹

庾信

酒泉移赤柰河陽徙石榴雖言有千樹何處似封侯

送劉散員同賦得陳思王詩山樹鬱蒼蒼

唐許敬宗

喬木託危岫積翠繞連岡葉疎猶漏影花少未流芳風
來聞肅肅霧罷見蒼蒼此中餞行邁不異上河梁

望宅中樹有所思

唐盧照鄰

我家有庭樹秋葉正離離上舞雙棲鳥中秀合歡枝勞
思復勞望相見不相知何當共攀折歌笑此堂垂

翫新庭樹因詠所懷

唐白居易

靄靄四月初新樹葉成陰動搖風景麗蓋覆庭院深下有無事人竟日此幽尋豈惟翫時物亦可開煩襟時與道人語或聽詩客吟度春足芳色入夜多鳴禽偶得幽閒境遂忘塵俗心始知真隱者不必在山林

截樹

白居易

種樹當前軒樹高柯葉繁惜哉遠山色隱此蒙龍間一朝持斧斤手自截其端萬葉落頭上千峯來面前忽似

決雲霧豁達觀青天又如所念人久別一款顏始有清
風至稍見飛鳥還開懷東南望目遠心遼然人各有偏
好物莫能兩全豈不愛柔條不如見青山

新晴後谿樹陰灑然覽景成韻

宋文同

雨後谿水急晴光鬱如浮高林放繁陰黯黯幢蓋稠麥
熟桑椹好撩亂黃栗留唧唧動新蛭局局啼乳鳩晚策
貪靜境緩帶成獨遊照影俯回淵濯足臨漫流願言懷

世慮逐此瀟灑休定知今夕夢不作塵土憂

京城閨居雜言

元 揭傒斯

朔土高且厚民生勁而彊榆柳雖弱質生植益繁昌桃李大於拳棗栗充饑糧誰謂苦寒地百物莫得傷青青雲夢竹宿昔傲雪霜移植於此庭不如芥與楊竹性豈有改由來非本鄉

題拙作小圖

元 朱德潤

碧山高陰岑老樹立突兀嵐光凝曉候隱見蒼林密空

谷有佳人胡寧欲行役

其二

招提抱層巖闌楯出虛迴微微宿靄收轉見蒼林靜客
子更何之扶筇躡雲磴

題黃彥成雲林小隱

明
練子寧

有客素肥遯幽居愛林廬結屋依陋巷種樹繞城隅浮
雲南山來清陰覆其閭老柳帶寒色芳蘭露春腴窗深
不知曉樹密室自虛甘貧意自適守道樂有餘娛賓非

旨酒飽食但園蔬流水赴大壑翔禽戀高株物性各有
遂誰能常晏如

題葉熙時空樹軒

明僧智艤

嘗聞松化石未聞樹化竹君家草堂樹何乃虛其腹懷
抱日益空枝葉不放綠其中有容焉外潤若不足僧還
可入定旅寓何必屋居士空諸有不獨此老木

七言古

賦得庭中有奇樹

陳賀循

三春節物始芳菲
遊絲細草動春暉
香風飄舞花間度
好鳥和鳴枝上飛
臨池間竹偏增綠
依堦映雪紛如玉
溫室庭前竟不言
鼓吹樓中能作曲
曾聞遠別舊難思
攀折會取贈佳期
長條本自堪為帶
密葉由來好作帷
星稀漢轉月輪明
徘徊夜鵲屢相驚
欲識幽人蘭杜徑
山窗芳桂復叢生

題遠山平林圖

宋
王炎

山色微茫疑有無
木葉半脫殊蕭疎
雲根更著數椽屋

此屋當有幽人居墨妙逼真乃如此畢竟非真惟近似
何如屐齒飽經行是處谿山皆畫筭還君圖畫吾且歸
家在江南依翠微

西湖酒家壁畫枯木

元 宋 无

衡岳喬松道途遠成都古柏山川隔忽驚老樹刺眼來
疑是顏崖壓東壁拗怒風雷龍虎氣盤摺造化乾坤力
陰連滄海一片秋秀奪西湖兩峯色寒雲冉冉惹靈畫影
凍蘚緣沿借春碧醉翁脾睨欲挂衣禪伯經營思憇錫

烏鳶冥下踏枝空猿猱夜過嗅藤仄鐵榦銅柯嗅不香
蒼雪玄煙潤將滴便擬攀羅解糾纏何煩平地生荆棘
直須掃去曲碌姿揮作昂霄數千尺

賦得獨樹邊淮送人之京

明林鴻

君不見秦淮水流東到海淮邊獨樹如車蓋九月微霜
赤葉乾枯枝颯颯鳴天籟枝上啼鴉散曙煙枝頭殘照
咽寒蟬離人畱飲停車騎俠客相逢挂馬鞭南國高僧
從此去駐錫雨花臺下路一飯淮邊洗鉢時六時宴坐

祇園樹野竊孤雲任去還
禪心不道別離難
山中亦有長松樹
待爾青青共歲寒

五言律

送竇校書見餞得雲中辨江樹

唐張九齡

江水天連色無涯
淨野氛微明岸傍樹
凌亂渚前雲舉棹
形隨轉登艫意漸分
渺茫從此去空復惜
離羣

試古木卧平沙

唐王泠然

古木卧平沙摧殘歲月賒有根橫水石無榦拂烟霞春
至苔為葉冬來雪作花不逢星漢使誰辨是靈槎

賦得海邊樹

唐
皇甫冉

歷歷緣荒岸冥冥入遠天每同沙草發長共水雲聯搖
落潮風早離披海雨偏故傷遊子意多在客舟前

枯樹

唐
韓愈

老樹無枝葉風霜不復侵腹穿人可過皮剝蟻還尋寄
託惟朝菌依投絕暮禽猶堪持改火未肯但空心

古樹

唐張籍

古樹枝柯少枯來復幾春
露根堪繫馬空腹恐藏人
蠹節莓苔老燒痕霹靂新
若當江浦上行客祭為神

路傍樹

唐馬戴

古樹何人種清陰減昔時
莓苔根半露風雨節偏危
蟲蠹心將穴蟬催葉向衰
樵童不須剪聊起台公思

禁中庭樹

宋錢惟演

紫闥分陰地丹條擢秀時
高枝接溫樹密葉覆辛夷
夜

影瑤光接晨英玉露滋乘春好封植為賦角弓詩

翠雨亭詩

元 朱德潤

翠樹元無雨空濛暗濕衣林深迷遠嶂風捲雜晴暉嵐
潤侵書几陰涼拂釣磯蒼雲何處密清曉傍簷飛

倚樹

明 王 野

偶爾依芳樹跼跡綠苔身忘羣鳥近坐久一花開移
影高還下看人去復回攜書空置石翻動任風來

五言排律

永樂縣所居一草一木無非自我今春悉已芳

茂因書即事一章

唐李商隱

手種悲陳事心期翫物華
柳飛彭澤雪桃散武陵霞
枳嫩棲鸞葉桐香待鳳花
綬藤縈弱蔓袍草展新芽
學植功雖倍成蹊跡尚賒
芳年誰共翫終老卻平瓜

咸通十四年府試木向榮

唐鄭谷

園林青氣動衆木散寒聲
敗葉墻陰在滋條雪後榮
欣欣春令早藹藹日華輕
庾嶺梅先覺隋堤柳暗驚
山川

應物候臯壤起農情祇待花開日連棲出谷鶯

七言律

紅樹

唐 吳融

一聲南雁已先紅
槭槭淒淒葉葉同
自是孤根非暖地
莫驚他木耐秋風
燒煙散去陰全薄
明月臨來影半空
長憶洞庭千萬樹
照山橫浦夕陽中

書綠帷亭壁

宋 文同

喬木繞舍如綠帷
羣山四面寒參差
春禽入秋啼自別

早雲到暮歸常遲庭前好菊勸飲酒案上佳紙邀吟詩
閒居數月興便野渾忘簿書相晤時

紅樹

文同

萬葉驚風盡捲收獨餘紅樹擬禁秋已疑斷燒生前嶺
更共殘霞入遠樓楓岸最深霜未落柿園渾變雨初休
勸君莫上青山道妝點行人分外愁

綠陰

元謝宗可

萬樹東風湧翠瀾遮藏芳恨料應難入簾蒼靄暮春晚

滿地碧雲清畫寒柳暗池臺烟乍濕槐深門巷雨初乾
階前花落無人到又染苔痕上石闌

次韻和石末公紅樹詩

明 劉基

岸柳江蒲總戚施
柏林辛苦擢金支
虞人說見炎官傘
候騎訛傳漢將旗
照水熒煌空街貌
因風飄落竟從誰
應慙若木生暘谷
長駐跋烏燭崦嵫

次韻和石末公紅樹詩

劉基

紅樹漫山駐歲華
玄冬驚見眼生花
井陘旗幟軍容盛

汴水帆檣御氣賒春草淒迷金谷障夕陽照灼赤城霞
靡萍丹木扶桑裏惆悵誰乘博望槎

薊門煙樹

明楊榮

薊門春雨散浮埃烟樹溟濛霽欲開十里清陰連紫陌
半空翠影接金臺東風葉暗畱鶯語落日林深看鳥回
記得清明攜酒處碧桃花底坐徘徊

薊門烟樹

明金幼孜

野色蒼蒼接薊門淡烟疎樹碧氤氲過橋酒幔依稀見

附郭人家遠近分紅雨落花行處有綠陰啼鳥坐來聞
玉京盡日多佳氣縹緲還看映五雲

薊門烟樹

明 李東陽

薊丘城外訪遺蹤樹色烟光遠更重飛雨過時青未了
落花殘處綠還濃路迷南郭將三里望斷西林有數峰
坐久不知遲日霽隔谿僧寺午時鐘

樹色

明 邵寶

乍濃還淡弄朝暉樹色依稀定是非樓上望回川歷歷

城陰遮斷路微微
晴雲有影團傾蓋
春水無波綠染衣
獨坐懷人心正遠
天空渭北雁初歸

樹影

明
朱之蕃

層枝疊葉點苔斑
深院重垣總莫關
夾道密移須按轡
滿庭交匝可怡顏
月穿池岸連浮藻
日射園林障遠山
斜拂北窗來枕簟
清陰合處鳥聲閒

七言排律

畫古木

元
馬祖常

桑空河上生賢相
楓老山中化羽人
未借九關當地軸
還曾八月上天津
雷燒桐尾琴材古
玉刻龍形劍具新
雨蝕蒼皮苔護石
泉舂玉乳月翻輪
東堤楊柳春烟暖
西浦芙蓉曉露勻
偃蹇孤根巖壑氣
我知棫樸不為薪

五言絕句

洛陽道獻呂四郎中

唐儲光義

洛水春冰開洛城
春樹綠朝看大道
上落花亂馬足

北垞

唐王維

北垞湖水北雜樹暎朱欄逶迤南川水明滅青林端

漆園

王維

古人非傲吏自關經世務偶寄一微官婆娑數株樹

同賦送遠客一絕

唐皇甫冉

行隨新樹深夢隔重江遠迢遞風日閒蒼茫洲渚晚

天長地久詞

唐盧綸

玉砌紅花樹香風不敢吹春光解天意偏發殿南枝

晚思

唐司空曙

蛩吟窗下月草濕階前露晚景淒我衣秋風入庭樹

早發汾南

唐王建

橋上車馬發橋南烟樹開青山斜不斷迢遞故鄉來

夢江南

唐張祜

行吟洞庭句不見洞庭人盡日碧江夢江南紅樹春

古樹

唐崔道融

古樹春風入陽和力太遲莫言生意盡更引萬年枝

行園樹

宋徐鉉

松節凌霜久，蓬根逐吹頻。羣生各有性，桃李但爭春。

和晏相公湖上

宋韓維

風枝挂危露，飛動夕陽中。莫遣兒童撼，畱看着葉紅。

余元祐六年六月罷著作佐郎，除秘書丞，是歲

仲冬復除著作郎兼史院檢討，復至舊局題

屏

宋張耒

庭樹應知我相逢，益老蒼別來秋苦雨。但見瓦松長

觀祝孝友畫卷

宋朱子

天邊雲遶山江上烟迷樹不向曉來看詎知重疊數

山居雜詩

金元好問

漲落沙痕出堤摧岸口斜斷橋堆聚沫高樹閣浮槎

即事

元趙雍

獨坐對明月遙遙千古情西風兩三日庭樹已秋聲

題宋子障太守畫

元張昱

老樹含青雨平林澹白烟隔谿茅屋在好泊朱家船

六言絕句

舍北閨望作六字絕句

宋陸游

潘岳一篇秋興李成八幅寒林
舍北偶然倚杖盡見古人用心

題畫

元倪瓚

罨畫谿頭喚渡銅官山下尋僧
水榭汀橋曲曲風林雲磴層層

絕句

元張雨

三山環合一水中有老木參天
不著幽人草閣誰收無

限雲煙

七言絕句

送朱越

唐王昌齡

遠別舟中蔣山暮
君行舉首燕城路
薊門秋月隱黃雲
期向金陵醉江樹

詣徐卿覓果栽

唐杜甫

草堂少花今欲栽
不問綠李與黃梅
石筍街中却歸去
果園坊裏為求來

送齊山人歸長白山

唐韓翃

舊事仙人白兔公
掉頭歸去又乘風
柴門流水依然在
一路寒山萬木中

送韋判官

唐盧綸

前峰後嶺碧濛濛
草擁驚泉樹帶風
人語馬嘶聽不得
更堪長路在雲中

雨晴至江渡

唐柳宗元

江雨初晴思遠步
日西獨向愚谿渡
渡頭水落村徑成

掠亂浮槎在高樹

同錢員外禁中夜直

唐白居易

宮漏三聲知半夜好風涼月滿松筠此時閑坐寂無語
藥樹影中惟兩人

戲題山居

唐陳羽

雖有柴門長不關片雲高木共身閑猶嫌住久人知處
見欲移居更上山

宮詞

唐王涯

瞳瞳日出大明宮
天樂遙聞在碧空
禁樹無風正和暖
玉樓金殿曉光中

其二

御果收時屬內官
傍簷低壓玉闌干
明朝摘向金華殿
盡日枝頭次第看

古樹

唐徐凝

古樹欹斜臨古道
枝不生花復生草
行人不見樹少時
樹見行人幾番老

寄永道士

唐李商隱

共上雲山獨下遲
陽臺白道細如絲
君今並倚三珠樹
不記人間葉落時

池邊

李商隱

玉琯葭灰細細吹
流鶯上下燕參差
日西千繞池邊樹
憶把枯條撼雪時

漢陰庭樹

唐趙嘏

掘溝引水澆蔬圃
插竹為籬護藥苗
楊柳如絲風易亂

梅花似雪日難消

曉宴

唐
李羣玉

金波西傾銀漢落
綠樹含煙倚朱閣
曉華矐矐聞調笙
一點殘燈隔羅幕

小遊仙

唐
曹唐

元洲草木不知黃
甲子初開浩劫長
無限萬年少女
手攀紅樹滿殘陽

荆林館

宋
孔平仲

古木森然滿驛庭繁陰凌亂月分明千枝萬葉誰拘管
攪作秋風一片聲

出郊

宋
王安石

川原一片綠交加深樹冥冥不見花風日有情無處著
初迴光景到桑麻

入瑞巖道間絕句呈彥集充父二兄

宋
朱子

風高木落晚秋時日暮千林黃葉稀祇有蒼蒼谷中樹

歲寒心事不相違

丙辰正月三日贈彭世昌歸山 朱子

象山聞說是君開雲木叅天瀑響雷好去山頭且堅坐
等閒莫要下山來

玉山道中

宋 楊萬里

邨北邨南水響齊蒼頭蒼尾樹陰低青山自負無塵色
盡日殷勤照碧谿

道傍草木

楊萬里

古樹何年澗底生只今已與嶺般平
千梢萬葉無重數
一一分明報雨聲

連江官湖

宋徐璣

衆山圍繞綠團圓
官木參差古道邊
行盡濃陰全不了
一湖飛雨帶輕烟

秋興

金吳激

後園雜樹入雲高
萬里長風夜怒號
憶向錢塘江上寺
松窗竹閣瞰秋濤

雜詩

金王 礪

陰陰綠樹闇庭除
散盡鳴禽靜有餘
獨對熏爐坐終日
會心惟有漆園書

其二

屋頭叢木撼蒼烟
風捲飛花到枕邊
南寺有僧來問字
打門驚覺午窗眠

宋樓道中

金 劉從益

十里羊腸路詰盤
過花穿柳幾迴還
馬頭忽轉青林角

綠繞人家水一灣

太乙宮

元王惲

庭樹瀟瀟綠滿廊日長深鎖碧窗涼
隔簾遙見秋來處一葉輕黃墮井牀

題畫

元張憲

晴川渺渺停春水怪石峩峩插亂山
最愛夕陽煙寺裏千株古木伴僧閒

御定佩文齋詠物詩選卷二百七十五